

Թմբուկը գունավոր աղյուսներով արտաքուստ: Նույն իսկ հեռավոր, միջին ասիական, չին - մոնղոլական ազգեցության հետքեր նկատվում են մեր ԺԳ. դարու մանրանկարչական զարդագրության (Հեթումի ձառոց, մետաքսի կտորներից առնված) և քանդակագործության մեջ. Հոռոմայրի շենքերից մեկի գրան ճակատի բարձրաքանդակ Հիսուսը մոնղոլական դեմք ունի. Վաչոց ձորի Նորավանքի խաչքարերից վոմանց մարդկային պատկերները մոնղոլական դիմագծերով են և հագուստով, ինչպես և նկատել և Strzygowski-ն\*, իսկ քանդակագործը մեզ ուրիշ աղբյուրներից հայտնի գրիչ և նկարիչ Մոմիկն և\*\*:

Պոռչյանների ստեղծագործություններն էլ, ինչ վոր մեզ ծանոթ են արդեն և պիտի ծանոթանանք այսուհետև, մաս են ամբողջի, վերև ակնարկված ԺԳ. դարու գեղարվեստական շարժման և փոխազդեցությունների: Մենք հարկավոր համարեցինք այս փոքրիկ շեղումը, վորպես զի ավելի դյուրին կերպով կարելի լինի բացատրել և հասկանալ այն յերևույթները, վոր Պոռչյան պայագատների անմիջական ձեռնարկությամբ կամ նրանց իշխանության մեջ յերևան են զալիս իշխանության հաստատությունից էինչև ԺԳ. դարու կեսերը արվեստի այլ և այլ ճյուղերի մեջ, ճարտարապետական կառուցվածքից սկսած մինչև քանդակագործական, վոսկերչական և մանրանկարչական զարդագրությունն ու պատկերագրությունը:

Պոռչյանների զինանշան համարված կենդանական խմբանկարը յերեք մասի յե բաժանվում, և այդ առանձին առանձին մասերը մենք դանում ենք Հայաստանում և Հայաստանից դուրս այլ և այլ տեղերում: Վերցնենք, որինակ, յեզան գլուխը. Գիարբեքերի Հակոբի գրան ճակատին կա մի քանդակ յերկու արձանագրությունների մեջ. Թեևստարած մի արժիվ մազիլները զրել և յեզան գլխի յեղջուրների ծայրերին, իսկ յեզը բերանում բռնել և պարանոսյուսի զարդով մի ողակ, մոտավորապես, ուրեմն, նման Գեղարդի բարձրաքանդակին: Արձանագրությունների ընթերցումը Բերխեմի կողմից, ցույց և տալիս, վոր նա գրված և Որթոքիդ Ղարա—Ասլանի վորդի Մուհամմադի կողմից, 1183/4 թ., յերբ հաղթելով Ինալիդ Մահմուդին և Նիզանիդ Մասուդին, գրավում և Համիթը: Բերխեմը անպայման զինանշան համարելով այդ, փորձում և բացատրել իմաստը, արժիվը համարելով հաղթական Մուհամմադի նշանը և յեզան գլուխը հաղթվողներից մեկն ու մեկի կամ քաղաքի նշանը: Նա հիմնավորում և յուր յինթագրությունը նման յերևույթների կրկնությամբ մահմեդական ուրիշ իշխանների կյանքից: Այս զինանշանի յերեք տարրերը,

Ինստիտուտի, Գիրք Ա. և Բ. 1921—1922. 188. ԺԶ. և հետագա դարերի ապիկված հայ արվեստի մասին Փ. Ասիայում տես Աննակի (Համբարձում Պ. Զորթեան) հոդվածը. Թեոդիկ. Ամէնուն տարեցոյցը. 1923. 213:

\* Die Baukunst der Armenien. 708: Уварова-ի Материалы. XIII. Табл. XXXVIII. պատկ. 83—84:  
\*\* Մեր Գրչության Արուեստը. Գ § 108. 109:

Թոչունը, յեզան գլուխը և ողակն առանձին առանձին գտնվում են Գիարբեքերի շենքերի և պարսպի այլ և այլ մասերում: Ավիլացնենք նաև, վոր արժիվ Թառած յեզան գլխի վերա, տեսնում ենք և ԺԶ. դարու պարսկական թավշյա կտորների վերա, վոր հավաքել և Sarre-ն\*:

Բայց ինչպես բացատրենք, յերբ այս նույն յերևույթն առանձին առանձին և խմբակցության քիչ տարրերությամբ տեսնում ենք և Հայաստանի զանազան կողմերում. արդյո՞ք պարզ փոխառությունը: Պոռչյան քանդակի մեջ վոչ միայն խմբակցությունն ու դասավորությունն և տարրեր, այլ և նրա առանձին տարրերը: Այստեղ տեսնում ենք արժիվը մազիլների մեջ խոյ ունի բռնած, իսկ այնտեղ թատել և յեզան յեղջուրների վերա: Առհասարակ թեևստարած արժիվ



Մանրանկար ԺԱ. դարու. Չեռ. էջմ. № 369. Պատկեր 74.

գործագրությունը, հաշվելով և յերկզիլսանինները, արվեստի մեջ հին և Առաջավոր Ասիայի ազգերի մեջ, սկսած Հեթանոսներից\*\* մինչև Սասանյանները, Բյուզանդացիք, Հայերն ու Վրացիք<sup>1</sup>: Ավիլացնենք, վոր նրանց գործագրությունը մասնանշում և Strzygowski-ն նաև միջին Ասիայում, և վորտեղից կարծում

\* Manuel D'art Musulman. II. Gaston Migéon. Paris. 1907. 407  
\*\* Хетты. Культура Востока. 73. Weber. Die Kunst. պատկ. 13. Ed. Meyer. 28.  
<sup>1</sup> Strzygowski. Die Baukunst. 289. պատկ. 327.